



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam Contemplativæ functiones utilissima, Duobus Tomis Comprehensa. In Qvibvs Singvlari Pietate, Varia Ervditione Clariori Et Breviori Stylo Continentvr Et Explicantvr ...

Tomás <de Jesus>

Coloniæ Agrippinæ, 1684

Capvt X. De confessione fidei, de perseverantia, & damnis, quæ peccatum mortale consequuntur.

urn:nbn:de:hbz:466:1-38601

etiam si ab ijs gravia damna, offensas, aut iniurias accepimus, aut etiam sustineamus; quemadmodum ipsemet Dominus precepit: *Audistis, quia dictum est: Diliges proximum tuum, & odio habebis inimicum tuum. Ego autem dico vobis, diligite inimicos vestros, benefacite his, qui oderunt vos, & orate pro persecutoribus & calumniatoribus vos, ut sicut filij Patris vestri, qui in calu est, qui solem suum oriri facit super bonos & malos, & pluit super iustos & iniustos. Si enim diligitis eos, qui vos diligunt, quam mercedem habebitis? Nonne & Publicani hoc faciunt? & si salutaveritis fratres vestros tantum, quid amplius faciis: nonne & Ethnici hoc faciunt: Effote ergo & vos perfecti sicut & Pater vester caelestis perfectus est. Ecce apud alium Evangelistam: Diligite inimicos vestros; benefacite his, qui oderunt vos. Benedicite maledicentibus vobis, & orate pro persecutoribus vos.*

Hoc autem & Dominus suo confirmavit exemplo, qui pro suis crucifixoribus oravit: *Pater dimitte illis, non enim sciunt, quid faciunt.* Et beatus Protomartyr: Stephanus Dominum imitator, dum a Judaeis crudeliter lapidaretur, ut Apostolorum Acta testantur, positus genibus clamavit voce magna dicens: *Domine ne statuas illis hoc peccatum.* Idemque & Moytes, & alij servi Dei humiliter observaverunt.

Insuper praemonet eos, atque hortetur ad patientiam, & ad futuras tribulationes, & huius vitae adversitates, tentationes, & mala, quibus divina bonitas suos exerceri, & tanquam aurum igne probati permittit, fortiter & aequo animo perseveranda: *nam si crucem & mortem oportuit pati Christum, & ita intrare in gloriam suam: quanto magis Fideles & servos eius? Non enim est discipulus super Magistrum, nec servus super Dominum suum. Et sicut scriptum est: Per multas tribulationes oportet nos intrare in Regnum Dei: & Apostolus dicit: Omnes, qui pie volunt vivere in Christo IESU, persecutionem patientur.*

Quod & in Sanctis omnibus mirabiliter eluxit: certoque sciant & sperent sibi a DEO perpetuas coronas propositas esse in caelis, si legitime certaverint in terris. Quapropter permanentes in vocatione sua, molestant, tribulationes, misericordiaeque omnes libenter ferant, existimantes crucem sibi jugiter ferendam esse cum Christo, quemadmodum & ipse saepe in Evangelio monet: *Qui non accipit crucem suam, & sequitur me, non est me dignus. Et iterum. Si quis vult post me venire, abneget semetipsum, & tollat crucem suam quotidie, & sequatur me.* Item. *Quinon bajulas crucem suam, & venit post me, non potest meus esse discipulus.*

Neque 2 ipsis haec dura, gravia, aut impossibilia videantur, cum divina cooperante gratia, ea omnia possibilia facilia, & suavia esse experimento cognoscitur sint juxta verba Salvatoris: *Tollite jugum meum super vos, et discite a me quia mitis sum & humilis corde, & invenietis requiem animabus vestris: Jugum enim meum suave est, & onus meum leve. Et sicut Propheta dicit: Gustate & videte, quoniam suavis est Dominus: Beatus vir, qui sperat in eo. Ac Joannes Apostolus affirmat: Mandata eius gravia non sunt. Et sui exemplo nos docet Paulus dicens: Scio & humiliari, scio & abundare (ubique & in omnibus institutus sum, & satiari, & esurire, & abundare, & penuriam pati) Omnia possum in eo, qui me confortat.*

Quinimo eis ostendatur, haec ipsa mandata, ac omnia bona opera in DEI gratia facta, magnam aeternamque repositam habere remunerationem, juxta promissionem Domini: *Omni qui reliquerit*

domum, vel fratres, vel sorores, aut patrem, aut matrem, aut uxorem, aut filios, aut agrum propter nomen meum, centuplum accipiet, & vitam aeternam possidebit. Et iterum. In patientia vestra possidebit animas vestras. Item. Si quis mihi ministrat, me sequatur, & ubi sum ego, illic ministrer meus erit. Si quis mihi ministraverit honorificabit eum Pater meus. Et infra: Si hoc sentu beati eritis si feceritis ea. Et ut tradit Apostolus: Qui (scilicet Deus) reddet unicuique secundum opera sua. Quocirca & Dominus in iudicio dicit his, qui a dexteris ejus erunt: venite benedicti Patris mei, possidete paratum vobis regnum a constitutione mundi; Esurivi enim & dedistis mihi manducare; sitiivi & dedistis mihi bibere; hospes eram, & collegistis me: in firmis, & visitastis me: in carcere eram, & venistis ad me.

CAPVT X.

De confessione fidei, de perseverantia, & damnis, quae peccatum mortale consequuntur.

Cum autem victoria, quae vincit mundum sit fides nostra, hortandi sunt inprimis, & confirmandi, ut in fide permanent, constantes & fortes sint, semper parati eam confiteri, & pro ejus confessione, & Domini gloria occumbere. Nec vero ipsam mortem propter Christum formident, aut oppetere timeant; cum ipse dicat: Nolite timere eos, qui occidunt corpus; animam autem non possunt occidere: sed potius timeat eum, qui potest & animam, & corpus perdere in gehennam. Et paulo post: *Omni qui confitebitur me coram hominibus, confitebor & ego eum coram Patre meo, qui in calu est. Qui autem negaverit me coram hominibus, negabo & ego eum coram Patre meo, qui in calu est. Et Paulus Apostolus: In nullo terramini ab adversariis, quae illis est causa perditionis, vobis autem salutis, & hoc a Deo: quia vobis donatum est pro Christo, non solum, ut in eum credatur, sed ut etiam pro illo patiamini, idem certamen habentes, quale & vidistis in me, & nunc audistis de me.*

Sed & monendi sunt, ut in virtutibus, pietate, & bonis operibus Dei auxilio confisi, & qui operatur in eis, & velle, & perficere, pro bona voluntate perseverare studeant, ut aeternam salutem consequantur, Domino iterum a quo iterum constant: *Qui perseveraverit usque in finem hic salvus erit. Ut autem perseverantiae donum huiusmodi obtineant, DEUM humiliter deprecantur, ut speciale eis 4 auxilium ad illud consequendum impartiri dignetur, pro quo & ad B. Virginem DEI Genitricem MARIAM, & ad alios Sanctos cum Christo regnantes devotè confugiant, ut id eorum patrocinio & intercessione assequi mereantur. DEUS autem omnis gratiae, ut D. Petrus ait, qui vocavit nos in aeternam suam gloriam, in Christo IESU, modicum passos ipse perficiet, confirmabit, solidabitque. Ipse gloria, & imperium in saecula saeculorum. Amen.*

Caveant autem, ne ad corruptos prioris vitae mores, ac vitia redeant, considerantes illud, quod Salvator noster ei quem vocaverat, ut se sequeretur, & petenti, ut permitteretur primum ire & sepelire patrem suum, dixit: *Sine ut mortui sepeliant mortuos suos, tu autem vade & annuntia Regnum Dei.*

